

DIVERSORUM CASUUM SOLUTIONES.

TEXTUS DIVERSARUM DECISIONUM SACRÆ RITUUM CONGREGATIONIS CIRCA VARIOS INDULGENTIARUM CASUS, QUIQUE RECENTIUS CLERO HUIUS DIOCESEOS TRADITUS EST, SIC SE HABENDUS ET REFORMANDUS EST :

"Queritur 1°. Utrum sacerdos satisfaciat obligationi celebrandi Missam pro defuncto, servando ritum scilicet vel eujuscumque sancti etiam si non sit semiduplex vel duplex ?

"Queritur 2°. Utrum qui privilegium habet personale pro quatuor Missis in hebdomadis singulis, debeat cum paramentis nigro colore celebrare, diebus non impeditis, ut possit indulgentiam plenariam pro animabus defunctorum lucrari ?

"Queritur 3°. Utrum qui celebrat in Altari privilegiato pro singulis diebus, debeat semper uti paramentis nigris, diebus non impeditis, ut indulgentiam privilegi, consequatur ?

"Queritur 4°. Utrum ad lucrandam indulgentiam plenariam Orationi—*O bone et dulcissime Jesu*... concessam, necesse sit aliam orationem addere pro intentione summi Pontificis ?

"Queritur 5°. Utrum ad indulgentias applicabiles crucibus, rosariis, etc., alius ritus sit necessarius præterquam signum crucis à sacerdote qui hanc facultatem accepit, factum ?

"Queritur 6°. Utrum indulgentia concessa cadat solum in Christo ex ære, ligno vel aliquaquæ materia facto, ita ut possit ex unâ cruce in aliam transferri absque periculo amittendi indulgentiam ipsi collatam ?

"Sacra congregatio indulgentiis sacrisque reliquiis præposita ad superiora dubia sic respondendum esse censuit.

"Ad primum.—Affirmativè.

"Ad quartum.—Negativè.

"Ad secundum.—Negativè.

"Ad quintum.—Negativè.

"Ad tertium.—Ut in secundo.

"Ad sextum.—Affirmativè.

"In quorum fidem, etc. Datum Romæ ex secretariâ ejusdem sacræ congregationis indulgentiarum die 11 aprilis 1840.

"C. CARD. CASTRACANE, prefectus.

"Loco † sigilli."

"HANNIBAL GINNAB, secret.

ALII CIRCA VARIA DUBIA SOLUTIONES.

"Dubium I. Per Decretum S. Congregationis Indulgentiarum datum die 12 junii 1832 conceditur, confessionem sacramentalem peractam *infra hebdomadam ante festivitatem* suffragari posse ad Indulgentiam lucrandam.

"Queritur 1°. An verba *infra hebdomadam*—significent octo dies tantum, quæ festivitatem immediate præcedunt: an vero hebdomadam illam totam et integram, quæ ante Festum decurrit, ita ut ex. gr. confessio facta die Dominica suffragetur ad lucrandam Indulgentiam die sabbati hebdomadæ sequentis, in quam diem Festum incidet, tametsi tunc 13 dies inter confessionem et Festivitatem intercesserint.

"Queritur 2°. An confessio octavo die ante Festivitatem peracta vi hujus indulti suffragetur tantum ad unam Indulgentiam lucrandam, an vero per hanc confessionem alia etiam lucriferi possint Indulgentiæ, quæ infra prædictum tempus occurrunt, et ad quas lucrandas sacramentalis confessio ceteroquin requireretur.

"Dubium II. Queritur an, cum in Bulla vel Brevi quo conceditur Indulgentia, confessio tanquam conditio *sine qua non* præscribitur, necesse sit ut sacramentalis absolutio penitentibus detur ad Indulgentiam lucrandam.

Sacra Congregatio Indulgentiis sacrisque Reliquiis præposita respondendum esse censuit :

"Ad dubium primum :

"Ad primum.—Affirmativè quoad primam partem ; negativè quoad secundam ;

"Ad secundum.—Negativè quoad primam ; affirmativè quoad secundam ;

"Ad dubium secundum :

"Respondetur : Negativè.

"In quorum fidem, etc. Datum Romæ ex Secret. ejusdem sacræ Congregationis Indulgentiarum die 15 decembris 1841.

"C. CARD. CASTRACANE, Præf.

RESPONSA S. RIT. CONGR. AD DUBIA A RR. DD. EPISCOPO CENOMANENSI INFERIUS PRÆFATA, QUÆ ULTIMA EDITIO INDULG. TRACTATUS NON CONTINET.

"Beatissime Pater.—In variis Galliarum diocesisibus et specialiter in diocesi Cenomanensi, permulte extant confraternitates SS. Rosarii, B. M. de Monte Carmelo, SS. Cordis Jesu, etc.

"Diversæ illæ confraternitates ex speciali S. sedis facultate ab episcopis cum brevi formula fuerunt erectæ : nomina confratrum et consoriorum in particularibus registris inscribuntur, sed ad directorem archiconfraternitatis non mittuntur, nec administratores pro unaquaque fraternitate eliguntur.

"Cenomanensis episcopus, omnes fidelium anxietates præavere aut sedare volens, à Beatitudine Vestra humiliter expostulat :

1°. An aliqua determinata formula necessaria fuerit sub penâ nullitatis.

2°. An necesse sit sub eadem penâ ut administratores eligantur.

3°. In utraque hypothesi, omnes fraternitates nunc erectæ essent nullæ.

4°. An episcopus designare possit directorem uniuscujusque confraternitatis suæ diocesis sive jam existentis, sive ab ipso ex speciali apostolica facultate erectæ.

5°. An director ab episcopo sic designatus eo ipso rosaria eum applicatione indulgentiarum et scapularia benediceret ac imponere possit.

"Valde optandum est ut claræ et fideles tradantur regulæ circa hoc punctum quotidianæ praxis."

"—Sacra Congregatio Rituum sacrisque Reliquiis præposita ad præfata dubia respondendum esse duxit ut infra.

"Ad primum : Negativè quia formula præscribitur tantum pro erectione sodalitatum à regularibus percipiendâ.

"Ad secundum : Negativè, quia administratorum electio crit tantum ad bonum sodalitatum regiminem, minime vero ad validitatem erectionis necessaria.

"Ad tertium : Affirmativè.

"Ad quartum : Negativè, nisi in hujusmodi concessionibus facta sit mentio de facultate rectoribus pro tempore tradendâ pro rosariis, coronarum seu scapularium benedictione. In quorum fidem. Datum Romæ ex secretariâ S. Congregationis Indulgentiarum, die 18 novembris 1842

(Locus sigilli.) Sig. C. card. CASTRACANE, præf. II. GINNAB, sec."

"Responsio S. Congregationis Indulgentiarum circa altaria privilegiata.

Queritur, si à S. Sede indultum locale altaris privilegiati concedatur, neque ulla facta sit mentio nec in supplici libello, nec in rescripto, de qualitate altaris sitne fixum scilicet, vel portatile, an altario censeri posset privilegiatum, etiam si sit portatile.

Resp. S. Congregatio : Negativè.

In quorum fidem, etc. Datum Romæ, etc., 1841."